

四庫全書

子部

欽定四庫全書

冊府元龜卷六百七十

宋王欽若等撰

內臣部

誣構

皇居上體乎環極邇臣內法乎四星由古以還典掌有序兩漢而下寵任彌渥或參居重職或分幹諸局惟忠信所以絜矩惟謹厚可以守官在視聽而必公實聰明之攸賴而有履用弗率愛惡相攻萌邪僻之端恣驕吝

之氣罔懲私忿寢成厚誣素業用隳鄙志是逞消鑠媒
孽枝葉生於謀議朋比締構機穽沒於城府觸類而長
何可勝言虞典曰朕望讒說殄行其來遠矣

惠牆伊戾宋寺人也

惠牆氏
伊戾名

宋芮司徒生女子

芮司徒
宋大夫

赤而毛棄諸堤下共姬之妾取以入

共姬宋
伯姬也

名之曰棄

長而美平公入夕

平公共
姬子也

共姬與之食公見棄也而視

之尤

尤甚

姬納諸御嬖生佐

佐元
公

惡而婉

佐貌惡
而心順

太子

瘞美而狠

貌美而
心狠戾

合左師畏而惡之

合左師
向戍

伊戾為大

子內師而無寵楚客聘於晉過宋太子知之請野享之

公使往伊戾請從之公曰夫不惡女乎

夫為太子也

對曰小

人之事君子也惡之不敢遠好之不敢近敬以待命敢

有二心乎縱有共其外莫共其內

伊戾為太子內師不行恐內侍廢闕

請往也遣之至則軟用牲加書徵之

詐作盟處為太子反徵驗也

騁告公

騁馳也

曰太子將為亂既與楚客盟矣公曰為我

子又何求對曰欲速

言欲速得公位

公使視之則信有焉

有盟徵也

問諸夫人與左師

夫人佐母棄也

則皆曰固聞之公囚太子太

子曰唯佐也能免我

以其名而婉也

而使請曰日中不來吾知

死矣左師聞之賂而與之語

賂謹也欲使佐失期

過期乃縊而死

佐為太子公徐聞其無罪也乃烹伊戾

寺人柳有寵於宋平公太子佐惡之華合比曰我殺之

欲以求媚太子

柳聞之乃坎用牲埋書

詐為盟處

而告公曰合比將

納亡人之族

亡人華臣也襄十七年奔衛

既盟於北郭矣公使視之

有焉遂逐華合比比奔衛於是華亥欲代右師

亥合比弟

欲得合比處

乃與寺人柳比從為之徵曰聞之久矣

聞合比欲納華

臣公使代之

代合比
為右師

後漢曹節為小黃門和帝時用事於中梁商為大將軍遣子冀不疑與交友然宦者忌商寵任反欲陷之永和四年中常侍張逵遽政內謁者令石光尚方令傅福冗從僕射杜永連謀共譖商及中常侍曹騰孟賁云欲徵諸王子圖議廢立請收商等案罪帝曰大將軍父子我所親騰賁我所愛必無是但汝曹共妬之耳逵等知不用懼迫遂出矯詔收縛騰賁於省中帝聞震怒勅宦者

李敏急呼騰賁釋之達等悉伏誅

李閔為中黃門安帝少號聰敏及長多不德而乳母王聖以鄧太后久不歸政慮有廢置嘗與閔候伺左右及安帝親政宮人先有受罰者懷怨恚因誣告鄧后兄特進騭弟虎賁郎將悝侍中弘閔先從尚書鄧訪取廢帝故事謀立平原王德帝聞追怒令有司奏悝等大逆無道遂廢西平侯廣宗葉侯廣德西華侯忠陽安侯珣都鄉侯甫德皆為庶人騭以不與謀但免特進遣就國宗族皆免官歸故郡

沒入隲等貨財田宅徙鄧訪及家屬於遠郡郡縣逼迫廣宗及忠皆自殺又徙封隲為羅侯隲與子鳳並不食而死隲從弟河南伊豹廣遠將軍舞陽侯遵將作大匠暢皆自殺惟廣德兄弟以母閻后戚屬得留京師

樊豐為中常侍順帝陽嘉中李固對策言不當封爵阿母王聖使樊豐之徒乘權放恣帝即時出阿母還舍諸常侍悉叩頭謝罪而疾固言直因詐飛章以陷其罪事從中下大司農黃尚等請之於大將軍梁商又僕射黃

瓊救明固事久乃得拜議郎

黃龍楊佗孟叔李建張賢史汎王道李元李剛等九人並為中常侍順帝時與阿母山陽君宋娥更相貨賂求高官增邑又誣固中常侍曹騰孟賁等永和二年發覺並遣就國減租四分之一

侯覽為中常侍靈帝建寧二年喪母還家大起塋冢督郵張儉因舉奏覽貪侈奢縱前後請奪人宅三百八十一所田一十八頃起立第宅十有六區皆有高樓池苑

堂閣相望飾以綺畫丹漆之屬制度重深僭類宮省又

豫作壽塚

生而自為塚曰壽塚

石椁雙闕高廡百尺

廡廊下周屋也破人

居室發掘墳墓虜奪良人妻略婦子及諸罪釁請誅之

而覽伺候遮截章竟不上儉遂破覽冢宅籍沒資財具

言罪狀又奏覽母生時交通賓客干亂郡國復不得御

御進也覽遂誣儉為鈎黨及故長樂少府李膺太僕杜密

等皆夷滅之又苑康為太山太府時張儉既殺覽母案

其宗黨賓客或有逃匿太山界者康既嘗疾閹宦因此

皆窮相收掩無得遺脫覽大怨之誣康與兗州刺史第
五種及都尉壺嘉詐上賊降徵康詣廷尉獄減死罪一
等徙日南又史弼為河東太守被一切詔書當舉孝廉
弼知多權貴請託乃豫勅斷絕書屬覽果遣諸生齎書
請之并求假鹽稅積日不得通生乃說以他事謁弼而
因達覽書弼大怒命左右引出楚捶數百遂付安邑獄
即日考殺之覽大怨遂詐作飛章下司隸誣弼誹謗檻
車徵之吏人莫敢近者惟前孝廉裴瑜送到涇澠之間大

言於道傍曰明府摧折虐臣選德報國如其獲罪足以
垂名竹帛願不憂不懼弼曰誰謂荼苦其甘如薺昔人
刎頸九死不恨及下廷尉詔獄平原吏人奔走詣闕訟
之又前孝廉魏劬毀變形服詐為家僮贍護於弼弼遂
受誣事當棄市劬與同郡人賣郡邸行賂於覽得減死
罪一等論輸左校時人或譏曰平原行貨以免君無乃
蚩乎陶丘洪曰昔文王羨里南散懷金史弼遭患義夫
獻寶亦何疑焉於是議者乃息

王甫靈帝時為中常侍初桓帝時渤海王悝謀為不道
貶為癭陶王後因甫求復國許謝錢五十萬後帝遺詔
復為渤海王悝知非甫功不肯還謝錢甫怒陰求其過
初迎立靈帝道路流言悝恨不得立欲鈔徵書而中常
侍鄭颯中黃門董騰竝任俠道剽輕數與悝交通甫伺
察以為有姦密言告司隸校尉段紀明熹平元年遂收
颯送北寺獄使尚書令廉忠誣奏颯等謀迎立悝大逆
不道遂詔冀州刺史收悝考實又遣大鴻臚持節與宗

正廷尉之渤海迫責惺自殺妃妾一十人子女七十人
妓女二十四人皆死獄中傅相以輔導王不忠悉伏誅
惺立二十五年國除衆庶莫不憐之又靈帝宋皇后無
寵而居正位後宮幸姬衆共譖毀初甫枉誅渤海王惺
及妃宋氏妃即后之姑也甫恐后怨之乃與大中大夫
程响共譖言皇后挾左道祝詛帝信之光和元年遂策
收璽綬后自致暴室以憂死

曹節為中常侍靈帝光和二年陽球為司隸校尉奏誅

中常侍王甫太尉段紀明等其冬司徒劉劭與球議收
案張讓及節節等知之共誣白球等嘗與藩國交通有
惡意數稱永樂聲勢取受狼籍步兵校尉劉納及永樂
少府陳球交通書疏謀議不軌帝大怒遂收球送碓陽
獄誅死妻子徙邊

趙忠憂憚竝為中常侍靈帝中平元年黃巾賊起帝問
中常侍呂強所宜施行強欲先誅左右貪濁者大赦黨
人料簡刺史二千石能否帝納之於是忠憚等遂共搆

強云與黨人共議朝廷數讀霍光傳

言其欲謀廢立也

強兄弟

所在竝皆貪穢帝不悅使中黃門持兵召強強聞帝召怒曰吾死亂起矣丈夫欲盡忠國家豈能對獄吏乎遂自殺忠惲復譖曰強見召未知所問而就外草自屏有

姦當審

外草自屏謂在外野草自殺也

遂收捕宗親沒入財產焉

張讓為中常侍時張角作亂侍中向栩上便宜頗譏刺左右不欲國家興兵但遣將於河上北向讀孝經賊自當消滅讓讒栩不欲令國家命將出師疑與張角同心

欲為內應收送黃門北寺獄殺之

蜀黃皓宦人也以信任用事時劉永始封魯王建興八年改封為甘陵王初永憎皓皓乃譖搆永於後主稍疎外永至不得朝見者十餘年

孟玖諂事成都王穎穎聽玖之言將害陸雲而江統蔡克力諫穎遲迴者三日盧志又曰昔趙王殺中護軍趙浚赦其子驥驥詣明公而擊趙即前事也蔡克入至穎前叩頭流血曰雲為孟玖怨隙遠近莫不聞今果見殺

罪無影驗將令羣心疑惑竊為明公惜之僚屬隨克入者數十人流涕固請穎惻然有宥雲色孟玖扶穎入催令殺雲

前趙郭猗劉聰時為中宮僕射聰以弟北海王又為皇太弟又以子晉王粲為相國羽儀威尊踰於東宮太師盧志等勸又謀反又不從東宮舍人荀裕告之帝使寇威卜拙監守東宮禁又朝賀猗有憾於又謂粲曰太弟于主上之世懷不逞之志此則殿下父子之深讎四海

蒼生之重怨也而主上過垂寬仁猶不替二尊之位一
旦有風塵之變臣竊為殿下寒心且殿下高祖之世孫
主上之嫡統凡在含齒孰不係仰萬機事大何事與人
臣昨聞太弟與大將軍相見極有言矣若事成許以主
上為太上皇大將軍為皇太子又許衛軍為大單于
二王已許之矣二王居不疑之地竝握重兵以此舉事
事何不成臣謂二王茲舉禽獸之不若也背父親人人
豈親之今又苟貪其一切之力耳事成之後主上豈有

全理殿下兄弟故在忘言東宮相國單于在武陵兄弟
何肯與人許以三月上巳因讌作難事淹變生宜早為
之所春秋傳曰蔓草猶不可除况君之寵弟乎臣屢啓
主上主上性敦友于謂臣言不實刑臣刀鋸之餘而蒙
主上殿下成造之恩故不慮逆鱗之誅每所聞必言真
垂採納臣當入言之願殿下不泄密表其狀也若不能
信臣言可呼大將軍從事中郎王皮衛軍司馬劉惇假
之恩願通其歸善之路以問之必可知也桑深然之倚

密謂皮惇曰二王逆狀主相已具知之矣卿同之乎二人大驚曰無之猗曰此事必無疑吾憐卿親舊并見族耳於是款款流涕皮惇大懼叩頭求哀猗曰吾為卿作計卿能用不二人皆曰謹奉大人之教猗曰相國必問卿卿但云有之若責卿何不先啓卿即答云臣誠負死罪然仰謂主上聖性寬慈殿下篤於骨肉恐言成誑偽故也皮惇許諾俄而召問二人至不同時而辭若畫一槩以為信然初靳準從妹為乂孺子淫于侍人乂怒殺

之而屢以嘲準準深慚恚說桀曰東宮萬機之副殿下
宜自居之以領相國使天下知早有所繫望也至是準
又說桀曰昔孝成距子政之言使王氏卒成篡逆可也
桀曰何可之有準曰然誠如聖旨下官亟欲有所言矣
但以德非更生親非皇宗恐忠言暫出霜威已及故不
敢耳桀曰君但言之準曰聞風塵之言謂大將軍衛大
將軍及左右輔皆謀奉太弟尅李春構變殿下宜為之
備不然恐有商臣之禍桀曰為之奈何準曰主上愛信

於太弟恐卒聞未必信也如下官愚意宜緩東宮之禁
固勿絕太弟賓客使輕薄之徒得與交遊太弟既素好
待士必不思防此嫌輕薄小人不能無逆意以勸太弟
之心小人有始無終不能無貫高之流也然後下官為
殿下露表其罪殿下與太宰拘太弟所與交通者考問
之窮其事原主上必以無將之罪罪之不然今朝望多
歸太弟主上一旦晏駕恐殿下不得立矣於是桀命卜
抽引兵去東宮後遂搆成其罪

宋華願兒者內臣也前廢帝愛幸有盛寵時戴法興為越騎校尉而廢帝年已漸長凶志轉成欲有所為法興每相禁制每謂帝曰官所為如此欲作滎陽聖帝意不平又賜與願兒金帛無算法興嘗加裁減願兒甚恨之帝使願兒出入市里察聽風謠而道路之言謂法興為真天子帝為應天子願兒因此告帝又云法興是孝武左右復久在宮闈今將佗人作一家深恐此坐席非復官許帝遂發怒免法興官遣還田里尋賜死於家

後魏宗愛太武時為秦郡公恭宗之監國也每事精察
愛天性險暴行多非法恭宗每銜之給事阮道盛侍郎
任平誠等任事東宮微為權勢帝頗聞之二人與愛素
不睦愛憤道盛等案其事遂構告其罪詔斬道盛等於
都街

趙黑文成時為選部尚書仍加侍中是時尚書李訢亦
有寵於獻文與黑對管選部訢奏中書侍郎崔覽為東
徐州北部主書郎公孫處顯為荊州選監公孫邃最為

幽州皆曰有能也實有私焉黑疾其虧亂選體遂爭於
殿庭曰以功授官因爵與祿國之常典中書侍郎尚書
郎者曹監勲能俱立之不過列郡今訢皆用為方州臣
實為惑獻文疑之曰公孫處顯公孫籙最為訢所厚於
是黑與訢遂為深隙訢竟列黑為監藏時多所截沒先
是法禁寬緩百司所典與官竝食故多所損折遂黜為
門士黑自以為訢所陷歎恨終日廢寢忘食規報前怨
踰年還入為侍御散騎常侍侍中尚書左僕射復兼選

部如昔黑微告訐專恣訐遂出為徐州及其將獲罪也
黑構成以誅之然後食甘寢安志在於職

唐程元振為內侍代宗即位自矜定策之功忌嫉宿將
以郭子儀功高難制巧行離間請罷副元帥加實封七
百戶充肅宗山陵使子儀既謝恩上表進肅宗所賜前
後詔勅因自陳訴曰臣德薄蟬翼命輕鴻毛累蒙國恩
猥廁朝列會天地震盪中原血戰臣北自靈武冊先皇
帝乃舉兵而南大蒐於岐陽先帝憂勤宗社託臣以家

國俾陛下掃兩京之妖祲陛下雄圖丕斷再造區宇自
後不以臣寡劣委文武之二柄外敷邦教內調鼎鼐是
以嘗許國家之死實荷日月之明臣本愚賤言多詆直
慮此招謗上瀆冕旒陛下居高聽卑察臣不二皇天后
土察臣無私伏以器忌滿盈日增兢惕焉敢偷全久妨
賢路臣自受恩塞下制敵行間東西十年前後百戰天
寒劔折濺血染衣野宿魂驚飲冰傷骨跋涉艱阻出沒
死生所仗惟天以至今日陛下曲垂惠獎念及勤勞貽

臣詔書一千餘首聖旨微婉慰諭綢繆錄微臣一時之功成子孫萬代之寶自靈武河北河南彭原鄜坊河東鳳翔兩京絳州臣所經行賜手詔勅書凡二十卷昧死上進庶煩聰覽詔答曰朕不德不明俾大臣憂疑朕之過也朕甚自愧公勿以為慮帝以子儀頃同患難收復兩京禮之逾厚時史朝義尚據雒陽元帥雍王率師進討帝欲以子儀副之而魚朝恩程元振亂政殺裴茂來瑒子儀既為所間其事遂寢乃留京師自西蕃入寇車

駕東幸天下皆咎程元振諫官屢論之元振懼又以子儀復立功不欲天子還京勸帝且都洛陽以避蕃寇帝然之子儀累表請車駕還京乃止

呂太一大歷初為嶺南矯詔募兵為亂乃以台州刺史韋倫為韶州刺史兼御史中丞韶連柳三州都團練防禦使竟遭太一黷貨反間貶信州司馬

薛盈珣德宗貞元十五年為鄭滑監軍使姚南仲為節度使盈珣怙勢干奪軍政南仲不從數為盈珣讒構於

帝帝頗疑之十六年盈珎遣小使程務盈馳驛表奏南
仲誣譖頗甚南仲裨將曹文洽時奏事赴京師竊知盈
珎表中語文洽私懷忿怒遂晨夜兼道追務盈至長樂
驛及之與同舍宿中夜殺務盈沉務盈表於廁中乃自
殺日盱驛吏闢門見血傷滿地旁得文洽二緘一緘狀
未告於南仲一緘表理南仲寃且陳謝殺務盈帝聞其
事頗駭動

高重昌憲宗元和九年為江西監軍使誣奏李位決四

十剝邑配役於建陵仍籍沒其家

許遂振為嶺南監軍使時楊於陵為節度使遂振悍戾貪恣干撓軍政於陵奉公潔已遂振無能奈何以飛語上聞憲宗初驚惑賴裴鉅輩為於陵中理帝感悟乃除吏部侍郎遂振終得罪

王守澄為神策中軍尉文宗太和五年二月戊戌守澄奏得本軍衙前虞候豆盧著狀告宰相宗中錫與十宅漳王謀反末後帝令中人急召宰相入赴延英中人赴

宰相牛僧孺私第至安邑里北街馬奔之死於道即於僧孺里第易所乘馬趨以復命是日宰相路隨李宗閔牛僧孺宋中錫旬休在私第悉聞命赴召至中書東門中人曰所召無宋中錫始知被罪望延英以笏叩額而退隨等至帝以守澄所奏狀示隨等隨等相顧皆愕然初守澄於浴室以鄭注所搆告於帝登時即於市里追捕又將以二百騎就靖恭里屠中錫之家會內官馬存亮同入見爭於帝曰今謀反者宋中錫耳盍不召南司

他相會議今卒然為此京師企足自亂矣守澄不能難
乃止三月己亥右軍差人於宋中錫宅輔孔目官張全
貞家人買子信綠等又於十六宅及市肆追捕胥吏以
成其獄庚子詔以宋中錫為太子右庶子辛丑上已休
假宰相竝入中書帝在延英中人復出宣事勅旨令召
師保僕射尚書丞郎常侍給事諫議舍人御史中丞京
兆尹大理卿同於中書及集賢院雜驗北軍豆盧著所
告宋中錫反狀翌日壬寅國忌宰相復入中書便赴延

英召對應昨日議事官帝竝召入親自詢訪太子太保
趙宗儒以年老宣令不拜已而兩省諫官自常侍已下
至午時復於延英請對帝即時召入於是左常侍崔玄
亮給事中李固言諫議大夫王質補闕盧鈞之舒元褒
羅泰蔣係裴休竇宗直韋溫拾遺李羣韋端符丁居晦
袁都等一十四人皆伏玉階下請北軍所告不於中鞠
帝曰吾已謀於公卿大僚訖卿等且出玄亮固言援引
古今辭理懇切玄亮涕泣久之帝意稍解乃曰今即與

宰相商議玄亮等退即於是日復召宰相入議翌日癸卯詔漳王降封巢縣開國公又詔宋申錫可守開州司馬員外置同正員仍馳驛發遣內官飛龍使開府儀同三司馬存亮表請致仕初守澄奏據當軍同正將兼衙前虞候豆盧著狀告前供內品官市典朱訓與前十六宅官市典晏敬則及宰相宋申錫親事王師文等同謀反逆并取受宋申錫銀絹稱與漳王計會直工之事兼受漳王信物等臣准告狀追晏敬則等推問咸伏取受

及得支証人貨賣銀絹櫃坊主人賣物牙郎及見晏敬則從十六宅西門至漳王院取信累路往過所勾當門司所繇十六宅判官張忠榮等不告報官司各得款狀百姓朱訓得款稱取受絹五百二十疋銀五挺又責得朱訓狀稱先與宰相宋中錫親事王師文知聞多時因語話次其人稱伏狀宋中錫多年本使云聖人多疾又緣太子小未堪成立其次合是漳王要結託佗日之事問訓有何人通徹得訓即云比與晏敬則兄弟相識多

時委知其人是十六宅官市使典曾伏事漳王來王師
文見訓說遂潛報宋中錫知至閏十二月初訓與晏敬
則王師文同於宣平坊商量此事前後約二十餘度去
年閏十二月內一度見宋中錫云一切委王師文君但
與王師文計議訓前後三度於師文邊領得銀三挺又
於晏敬則得銀一挺又前後兩件共領得絹二百八十
疋轉分付晏敬則又正月內訓謀王師文作人何公義
同於十六宅門外待晏敬則至午時敬則從十六宅出

來便身上解下白吳綾汗衫一件白熟線綾一疋充信
宋中錫通徹漳王結託佗日之事并取受宋中錫銀絹
之愆請准法科斷又品官晏敬則兩度取受宰相宋中
錫絹及銀共二百八十五兩絹二百八十疋銀五挺賣
得一百五十七貫文去年十二月內見朱訓說宋中錫有
一事擬結託取漳王至望在他日便說宋中錫欲與漳
王進奉銀絹向後事王師文道宋中錫云國無皇太子
恐後漳王相忘所以教敬則向漳王邊取得白吳綾汗

衫子白熟線綾一疋充信物竝付敬則上繫着王師文
朱訓解下分付王師文因茲便說宋申錫意道國無太
子欲擬商量阿郎為太子恐阿郎不知佗日相忘具漳
王便言虛實敬則云實其憑虛構詭譎如此甲辰勅宋
申錫已從別勅處分朱訓晏敬則宜各決痛杖一頓處
死作人何公義配流康州奴楊忠義配流春州竝錮身
所在差人防押遞過至彼到具月日聞奏王師文委御
史臺下縣及諸道切捕捉獲日聞奏餘各委本司疎理

處分其餘被誣註決杖配流追捕凡數十百人天下莫不冤之初申錫為翰林學士帝初即位嘗患中人權柄太盛自元和寶歷比致宮禁之禍及守澄領禁兵恃其宿舊跋扈尤甚有鄭注者依恃守澄為姦利入軍禁賣官販權中外咸扼腕帝雅聞之不能堪申錫時居內廷帝察其忠厚可任之事嘗因召對從容言及守澄外縱鄭注無可奈何者以密旨諭申錫令與外廷朝臣謀為去之計且約即日當命為相申錫頓首謝未幾自翰林

出拜尚書右丞逾月加平章事內知中錫素謹直寵遇
超革數月之後剖斷循常望實不相副既以鄭注附押
守澄貨賂大行乃除王璠為京兆尹喻之中旨璠不能
行而注與守澄潛為備漳王者帝之愛弟也賢而有人
望有豆盧著者職屬禁軍與注親表注又告以其謀遂
令著結成中錫與漳王反狀白於守澄翌日奏上其謀
交織璪密帝不省其詐遂罷中錫為右庶子時京城恟
恟衆庶譁言以為宰相真連十宅反百寮震駭居一二

日方審其詐諫官伏閣懇論帝赫怒叱諫官出者數四時中外屬望大寮三數人廷辨其事僕射竇易直曰人臣無將將而必誅聞者愕然唯京兆尹崔瑄大寺卿王正雅連上疏請出內獄且曰王師文未獲即獄未具且請出豆盧著與申錫同付外廷勘當人情翕然推重初議申錫抵死顧物論不可又將投於嶺表帝終寤外廷之言乃有開州之命初申錫既被罪怡然不以為意自中書歸私第止于外廳素服以俟命妻出謂之曰公為

宰相人臣位極於此何負天子反乎申錫對曰吾自書
生被厚恩擢相位不能鋤去姦亂反為所羅網夫人察
申錫豈反者乎因相與泣數行下申錫自居內廷及為
宰相以時風侈靡居要位者尤取納不顧風俗不暇更
方遠古且與貞元時甚相背矣申錫至此約身謹潔尤
以公廉為已任四方問遺悉無受者既被罪為有司驗
劾多獲其四方受領所還問遺之狀朝野為之歎息丁
未詔曰朕以菲德奉茲丕構雖虔恭修己不敢暇逸而

誠亮格物未能弘敷遂使姦兇懷非覲之端藩戚有陷
君之責外註宰臣傍連禁吏怵惕自咎中宵靡寧親臨
鞫訊改寘刑典顧為大義實愧御家猶慮儉狹之徒忿
怨相冒遂至誣引或連非辜載懷覲慙宜諭深旨應緣
漳王及宋申錫等被論告事除今月六日已前准勅旨
處分并捕捉王師文一人外餘竝一切不問宣示中外
用體朕懷申錫雖為寬謫姦人尚未快其意是日詔下
後中外為寬解

田令孜為神策軍中尉僖宗光啓元年十月壬子詔隨
邠寧節度使朱玫以本軍兼統鳳翔兵共三百萬屯沙
苑攻河中王重榮出師拒之先是其年春有詔追封王
重榮父縱及加父母妻國邑號時以令孜假子為使重
榮恃勲待之不厚及還乃謀於令孜令孜因奏兩池之
利請歸正省重榮知之又有詔移鎮欲以太原軍送王
處存至任重榮不自安乃抗表述令孜擅權復修偽詔
以書諭太原云近奉密詔俟公送處存至此則令當鎮

圖之皆朱溫朱玫與令孜惑朝廷也使者因出偽詔示之時太原與汴師有隙遂累上表請討溫玫朝廷務紓國難每降詔抑之繇是太原頗以私嫌積憤於帝既因河府之間遂起兵上章以誅田令孜朱玫為名

西門重遂為左觀軍容使初天威都馬軍都將賈德晟以李順節非罪見殺曾宣怨言於人重遂誣以他罪奏帝帝遂誅之時都下馬千餘騎皆驚散西投鳳翔自是朝廷勢削鳳翔軍盛矣

後唐李延安李從襲呂知柔皆供奉中官也莊宗同光三年伐蜀魏王繼岌為都統郭崇韜為副十月十九日下鳳州拔固鎮敗賊三泉收劍利興元梓州望風納款勢如破竹其招懷制置官吏補署師行籌畫軍書告諭皆出招討府繼岌承命而已時莊宗令延安從襲知柔為都統府綱紀見崇韜行府職事殷繁將吏請謁輻湊降人爭為賂遺其都統府惟大將省謁牙門索然繇是大為詬恥及軍至偽蜀六軍使王宗弼歸款行賂先招

討府洎王衍以成都降崇韜居王宗弼之府先是宗弼徙王衍於西宮衍之珍玩妓妾宗弼擇其善者邀留以奉崇韜求為蜀帥崇韜子廷誨令蜀人列狀見魏王請奏崇韜為蜀帥繼岌覽狀召崇韜謂曰主上倚侍中如衡華尊於廟堂之上以制四夷必不置元老於蠻夷之地況子不敢議此請諸公詣闕自陳李從襲等謂繼岌曰郭公收蜀部人情意在難測王宜自備繇是陰相猜察帝令中官向延嗣齋詔喻蜀促令班師詔使至崇韜

不郊迎於禮稍倨延嗣情憤告從襲曰乃公何者魏王
貴太子也主上萬福郭公專弄威柄旁若無人昨令蜀
賊請已為帥令郭廷誨擁從出入貴擬王者所與遊狎
無非軍中驍果蜀士兇豪晝夜妓樂相歡指天畫地近
聞廷誨白父請表以為蜀帥又曰兩川數百萬戶珍玩
貨泉靡所不有地形阻固自是一秦大人何不善自為
謀此語流聞遠近父子如此可見其心今諸軍將校無
非郭氏之黨魏王懸軍孤弱一朝班師事恐紛擾吾屬

莫知暴骨之所矣因相向垂涕向延嗣廻具以事奏劉
皇后泣告於帝請保全繼爰帝復開蜀簿且曰人言蜀
中珠玉金銀不知其數何如是之微也延嗣奏曰臣前
到西川見招討府吏言蜀川珍貨皆積崇韜之門言崇
韜自入蜀所得金萬兩銀四十萬兩錢百萬名馬千匹
王衍愛妓六十樂工百犀玉竒帶百郭廷誨有金銀十
萬兩犀玉帶五十藝色絕妓七十樂工七十佗財物稱
是臣見魏王所居除公府外蜀人賂遺不過匹馬束帶

唾壺塵柄而已蜀府空竭無足為怪帝初聞蜀人留崇
韜已不平之又聞所得妓樂寶馬怒見顏色即日命中
官馬彥珪馳往蜀川視崇韜去就如恭命班師則已若
別有遲留跋扈之狀則與繼岌圖之彥珪請見劉皇后
遽曰臣見向延嗣說蜀中事勢今已不可主上遣臣偵
視凡禍機之發間不容髮何能於三千里外緩急資決
皇后再言之帝曰傳言未知事實吾以關外兵柄付之
無故行事否則患生詎可便令果決皇后不得請因自

為教與繼岌令殺崇韜是時成都雖定諸州山林羣盜
結聚崇韜令任圜張筠分道招撫孟知祥未至慮發軍
之後別生變故稍緩班師之期正月六日馬彥珪至時
大軍定取十二日發離成都令任圜權知蜀事以俟知
祥諸軍部署已定彥珪出皇后教示繼岌曰大軍將發
他無釁端安得為此負心之事公輩勿復言從襲等泣
白曰聖上既有密勅王若不行使彼沿路訪知則中途
有變為患轉深繼岌曰帝無詔書徒以皇后文字安得

殺招討使從襲巧造事端以間繼岌既無英斷即僂俛從之詰旦從襲傳繼岌命召崇韜計事繼岌登樓以避之崇韜方昇階魏王爪牙奮擣以碎其首其子廷信從父請死即殺之李從襲率兵圍招討府以攻廷誨擒而殺之收其妓樂寶馬崇韜有子五人廷誨廷信從父死於蜀第三子廷說為尚書郎在雒陽及馬彥珪報殺崇韜令楊彥珣誅於其家第四子廷讓誅於鄴第五子廷議誅於太原家產籍沒明宗即位詔令歸葬所有郭氏

田宅皆賜崇韜妻周氏廷誨有男奴哥廷讓有男行奴
皆稚齒姻族保之獲免令周氏鞠養於晉陽之故第崇
韜服勤盡節左右王家草昧艱難功無與比西平巴蜀
宣暢皇威誣搆而誅其禍已酷身死之日夷夏寃之

李存乂為鄜州節度使同光四年伏誅於邸存乂莊宗
異母弟也郭崇韜之子壻崇韜既誅其後朝野駭惋羣
居州處議論紛然帝令闕豎綱紀察訪外事言存乂於
諸將坐上嘗訴郭氏無罪言詞怨望又於妖術人楊十

郎所居飲酒聚會尤豪攘臂垂泣楊千郎者魏州賤民
自言傳墨子術於婦翁能役使陰物帽下召食物果實
之類又蒲博必勝人有拳握之物以法必取又說鍊丹
乾水易人形破扁鐸或云可驗初在鄴都貴要間皆神
竒之白於帝甚蒙待遇官至檢校尚書郎賜紫其妻出
入宮掖頗承恩寵人士有憑之而仕宦者及在雒陽輕
薄少年畢與之遊皇弟存又存渥元行欽嘗朋淫於其
家至是姦聞欲盡去郭氏之黨故誣告之千郎亦被其

禍



冊府元龜卷六百七十